



REPUBLIKA E SHQIPËRISË
KONTROLLI I LARTË I SHTETIT

NJOFTIM PËR VENDE TË LIRA PUNE

Kontrolli i Lartë i Shtetit shpall konkursin për vende të lira pune:

I. Për 1 (një) vend në pozicionin e audituesit në Departamentin e Auditimit të Performancës dhe/ose Specialistit në Drejtorinë e Komunikimit, Botimeve dhe Marrëdhënieve me Jashtë.

Kërkesat për kandidatët e këtij vendi pune janë: -Të kenë kryer arsimin e lartë (bachelor+master) dhe të jenë diplomuar në Marrëdhënie Ndërkombëtare në universitete të huaja në një nga vendet e BE

-Do të favorizohen kandidatët që janë në proces doktorature;

-Të kenë eksperiencë pune në fushën e diplomimit;

-Të zotërojnë shkëlqyeshëm gjuhën angleze dhe një gjuhë të dytë të huaj të një prej vendeve të BE-së(të mbrojtura).

-Të zotërojnë programet bazë të kompjuterit; paketën MS Office, programin IDEA;

-Të kenë aftësi të mira menaxhuese dhe komunikuese për të punuar në grup.

- Do të favorizohen kandidatët nën moshën 35 vjeç.

Paga mujore për këtë vend pune është në nivelin e pagave të shërbimit civil.

I. Për 1 (një) vend në pozicionin e audituesit në Departament Auditimi dhe/ose Specialistit në Drejtorinë e Komunikimit, Botimeve dhe Marrëdhënieve me Jashtë

Kërkesat për kandidatët e këtyre vendeve të punës janë:

-Të ketë kryer arsimin e lartë dhe të jetë diplomuar jo më poshtë se niveli master Profesional në degën Marrëdhënie Ndërkombëtare dhe Diplomaci(profilu Çështjet e Ballkanit).

- Do të favorizohen ata kandidatë që (minimalisht njëri nga prindërit e të cilit) kanë statusin C si ish-të përndjekur politik.

-Të zotërojnë gjuhën angleze dhe një gjuhë të dytë të huaj të një prej vendeve të BE-së.

-Të zotërojnë programet bazë të kompjuterit; teknikat CAAT në Auditim, programin IDEA.

-Të kenë aftësi të mira menaxhuese dhe komunikuese për të punuar në grup.

- Do të favorizohen kandidatët nën moshën 25 vjeç.

Paga mujore për këtë vend pune është në nivelin e pagave të shërbimit civil.

Përshkrimi i punës

Kryen në mënyrë ligjore, profesionale, etike dhe brenda afateve të përcaktuara detyrat Audituese. Zbaton programin e auditimit, ndërsa për problemet që nuk janë përfshirë në programin e auditimit, ia bën prezent përgjegjësit të grupit të auditimit.Gjykon për nivelin e materialitetit e të riskut. Gjatë veprimtarisë audituese harton dokumentat e auditimit. Gjithashtu, në bashkëpunim me përgjegjësin e grupit të auditimit harton projektraportet e auditimit, pasqyron me shkrim sqarimet për vërejtjet e bëra nga subjekti i audituar, gjithashtu harton raportet përfundimtare të auditimit dhe projektvendimet përkatëse. Plotëson dhe nënshkruan statistikën e kontrollit, si evidencën e kostos, evidencën e zbulimeve, të masave të propozuara dhe gjithë dokumentacionin e auditimit. Në përgatitjen e materialeve të auditimit zbaton dhe mban përgjegjësi për afatet kohore të parashikuara. Jep mendime për përmirësimin e punës së departamentit e të institucionit, si dhe për ndryshimin e akteve ligjore e nënligjore, të cilët ai i çmon të arsyeshme. Paraqet çdo 3-muaj raportin e aktivitetit të tij përpara drejtorit të departamentit.

Paraqitja e dokumenteve

Kandidatët duhet të paraqesin në Drejtorinë e Burimeve Njerëzore deri në datë 01 Dhjetor 2018 këto dokumente: Letër motivimi për aplikimin në vendin vakant, CV-në, kopje të diplomës së shkollës së lartë dhe të kualifikimeve pasuniversitare, kopje e listës së notave dhe librezës së punës të noterizuara, fotokopje e letërnjoftimit, rekomandime nga punëdhënësit e mëparshëm, dëshmi penaliteti, si dhe dokumente të tjera (nëse ka), që i çmon se mund t'i vlejë për vlerësimin e përgatitjes arsimore dhe profesionale, si dhe dëshmi të dokumenteve ose jo të zotërimit të gjuhëve të huaja

Konkurrimi

Konkurrimi është i hapur për nëpunësit civilë nëpërmjet procedurave të pranimit.

Konkurrimi do të bazohet në njohuritë për Kushtetutën, ligjin nr. 154/2014 datë 27.11.2014 “Për organizimin dhe funksionimin e Kontrollit të Lartë të Shtetit”, ligjin nr. 152/2013, “Për Nëpunësin Civil”, i ndryshuar, ligjin nr. 9131, datë 8.9.2003 “Për rregullat e etikës në administratën publike”, “Rregulloren e brendshme të organizimit dhe funksionimit të KLSH”, “Standardet e kontrollit të KLSH” dhe “Standardet ndërkombëtare të INTOSAI-t, mbi njohuritë dhe të dhënat që jepen në serinë e botimeve të KLSH-së 2012-2018, si dhe në faqen zyrtare të KLSH-së në internet”. Në faqen zyrtare www.klsh.org.al sipas afateve të përcaktuara në ligj, më datë 03 Dhjetor 2018 do të shpallet edhe lista e verifikimit paraprak të kandidatëve, si dhe data e zhvillimit të konkurrimit.

Kontrolli i Lartë i Shtetit